


王雲五主編  
陳乃乾  
陳洙纂輯

明徐閣公先生孚遠年譜



臺灣商務印書館發行

45844

114.1.21

中華民國六十九年十一月初版

明徐闇公先生孚遠年譜 一冊

基本定價五角正

版權所有  
翻印必究

纂輯者

陳陳

乃

乾洙

主編者

王

雲

五

發行人

朱

建

民

印刷及  
發行所

臺灣商務印書館

股份有限公司

臺北市重慶南路一段三十七號

登記證：局版臺業字第〇八三六號



漢書曰：「古者聖王受命，必先正其綱。」  
綱者，禮樂之謂也。禮樂者，治政之本也。  
故先王立國，必先定其禮樂。禮樂既定，  
然後建國。此所謂「綱舉目張」者也。



式有之等門也、連同新收上人新心及土地前々  
 参拜、合計と雖二万餘以上、功徳の十季前未  
 竟之功、如香二三年、第一功經訪遺使計五  
 、若不就道三万餘然、一而選擇新要及具者  
 多方以表此也、如定何者二万餘、一而遺諸  
 常寺引、公名後主都之改香引、殊在一二万  
 之矣、如後集を諸香引之七代、二万餘以  
 書之、取定記帳、世々傳習、後將孤古之  
 手讀先り多、如諸事少後得善事、如後  
 了、用即決定り本年四月廿日景明十餘、今



## 新編中國名人年譜集成附詳盡索引序

所謂新編中國名人年譜集成者，以余曾於四十年前從事同一工作。因抗戰而中止。蓋自民國二十一年一二八本館劫後半載復業，迄二十六年八一三之全面抗戰期間，利用本館董事會決議年撥盈餘一部分，以供復興東方圖書館之用，先後訪購木版古籍十四萬冊，其中括有年譜一百二三十種，連同中國史地叢書所收館內外專家新著如千種，合計不下二百餘種，得暇輒加研究。藉悉年譜之作，實始於宋，多數爲譜主自訂，或口授子弟門人筆述；不則亦於譜主沒世未久，其門人故舊，就見聞或遺稿代爲編纂，幾等於譜主親撰。其中所述言行史實大都詳確，古代著作原以藏諸名山傳諸其人；故鮮有顧忌，此與歷代正史率由新朝爲勝朝所撰，遇有不利於新朝之記載，無不刪汰，甚或曲筆爲之。幸而我國修史者多爲具有正義感之學者，不肯歪曲過甚，寧刪汰忌諱；然因是不免失真已多，持與私人年譜相較，往往不無差異。此爲宋以後之年譜可貴者也。

至唐五代以前之年譜，則由後人就史書或譜主遺著搜集考據而成，不如宋以後各譜之迫真；然合冶一爐，亦足備參證，然究非宋以後年譜之比也。是爲余四十年前所得之印像。



今者旅臺將及卅載，續收中外圖籍約達五萬冊。鑑於前在大陸所藏之七萬冊珍貴圖籍，以共匪竊據大陸，未及移出，以致散佚或陷於不可知之命運者，懲前毖後，特斥資自設一圖書館，命名爲財團法人雲五圖書館，公諸社會閱覽，計所收中文圖書別集類往往括有年譜在內或有已單行者，連同新收近人著作及史地叢書舊刊，合計已達二百種以上。緬懷四十年前未竟之功，假我二三年，當一面續訪遺佚或新著，當不難達三百種左右；一面選擇精要及具有各方代表性者，假定仍留二百種；一面逐譜編製索引，則最後全部之總索引，殆在一二百萬之數，不僅集年譜索引之大成，亦可持以糾正史書之闕失訛誤。惟是編製索引，須將孤本之年譜先行景印，每譜至少須得若干冊，始便從事。因卽決定自本年四月起每月景印十種，分輯發行，其版式不同者皆統一爲卅二開本。查古籍多爲二十四開或三十二開。卅二開本者，其原式大小不變，廿四開者略予縮小，字體亦朗然可觀。至原史地叢書係卅二開本，除字體過小予以重排，餘則照原式景印。人人文庫本爲四十開，字體略小，研究年譜者多爲中年以上之士，因一律放大爲卅二開，則字體隨版式而加大；且集成全書可大小一致，間有佳作爲同業出版而必須納入集成者，則當洽讓版權，想同業樂觀厥成，當不難達成協議也。是爲序。

中華民國六十七年三月十五日王雲五

## 序

年譜依編年順序記載一人生平之事蹟，宋以後名人往往有之，大抵爲譜主自訂，或爲門生故舊所撰，亦有後人於古代名人就其著述，考其事蹟，爲之編訂者。年譜所述言行事實，大都詳確，可補史書之厥失，此其可貴處。

商務印書館從事編輯歷代名人年譜，始於上海，主其事者爲本館王故董事長雲五先生。遷台後，及雲老復主持本館，以前在大陸所藏圖籍散佚，重新蒐集，歷年所得舊刊新著，已達二百餘種，定名新編中國名人年譜集成，自民國六十七年四月起分輯發行，每輯十冊，迄六十八年雲老逝世之時，已刊行六輯。七輯以後自本年起照原定計畫陸續刊行。今雲老雖已謝世，不克親睹全部計畫之完成，然各輯目錄早經其生前決定，爲誌其四十餘年來與年譜集成之編輯工作相始終，仍標明雲老主編。

臺灣商務印書館編審委員會

民國六十九年四月二日

## 陳序

華亭徐闇公先生爲幾社六子之一，孤忠亮節，旣已光耀汗青，晚歲遜居潮海，全髮以終，迄今饒平山中之蔬果卓然與西薇、東菊同垂芬於天壤。後之過其地者，恆低徊流連而興「風微人往」之思焉。

金山姚君石子得先生釣璫堂集遺稿，而有刊行之盛舉。內從兄上海王君培孫偕之考訂。遵姚君意，就所藏書冊，檢査先生遺聞軼事，而海寧陳君乃乾爲任纂輯年譜。陳君以事乏暇，余乃樂與參校之役。就陳君所纂輯者，參稽互證，凡三月而竣事。

夫年譜之爲書，合史家記、傳、表體裁而一治。先生詩不編年，無由分注於年月之下。惟明清間之時事，與先生百折不同之勁節，已可灼覽無遺。先生交行事迹，旣有大越史記諸書可證，而核之鄧京卿承修中法越南勘界函稿，凡欽州、越南毗連之境，與先生程途所經，若合符節。其崇明、舟山、廈門諸海道，凡明清間戈船往來之要地，尤爲今日總稅司署所刊沿海燈船冊中塔燈照及之區。然後歎稽古不通今如鄙人者，固不足與談天下事也。

嗚呼！先生與何、瞿、陳、夏諸公之純忠，與鄭成功、吳六奇之通權達變，並有千

秋。吾蓋讀明季諸書及寶山袁遂懷先生幾社考一序，而有無窮之感也。後之讀先生書而具知人論世之識者，其亦有取於斯編也夫。

民國十四年十二月，江浦陳洙泉氏序。

# 徐闇公先生年譜

海寧陳乃乾  
江浦陳洙纂輯

明萬曆二十七年己亥（一五九九）十一月二十五日，先生生。

先生名孚遠，字闇公，晚號復齋，江南華亭人，家住華亭南門內河曲（華亭縣志）。始祖德成耕於華亭之小蒸（五茸志逸）云：吾松地名大蒸、小蒸，在積水中，草樹蓊然，團聚成村落。按小蒸鎮至今尚存，仁厚好施，茹素戒殺，鄉人稱爲佛子。

洙按：德成子名賢，孫名禮；曾孫名繡，宣平縣丞。俱以階貴，贈少傅大學士（見「華亭縣志」「封贈」門）。

德成之玄孫陟，字子明，號望湖，又號達齋，是爲先生曾祖。嘉靖二十六年丁未（一五四七）李春芳榜進士，以兄階在吏部，避不就吉士選，授兵部武庫司主事，歷本部員外郎郎中，改尙寶司丞，遷少卿，繼遷光祿、太僕、太常三少卿，進南太僕卿，尋遷光祿卿、南大理卿，陞南工部右侍郎，改南刑部右侍郎。隆慶元年（一五六七），引疾旋里。嘗以私帑爲饑亂時立功死事者立祠。又建義莊，捐田於義學。年五十八卒，賜祭葬，崇祀鄉賢。其宅在文貞賜第西，有師儉堂。曾祖母宋淑人，廣西參政宋愷之女。

祖琳，字雍卿，號裕湖，以蔭任太常典簿，遷南前府都事，歷南中府經歷、山東運同、雲南楚雄府知府。晚年皈依蓮池大師，法名廣溪，字警庵，又稱生生道人。祖母李恭人。

父爾遂，初名元誼，字行甫，太學生。母顧孺人。

按：徐文貞公階族譜序曰：吾徐氏，世家華亭之小蒸；今有濱曰徐家濱者，吾高祖以前所居也。徐旣以農爲業，又經元末兵亂，譜牒不存，故高祖以上世系不能詳云云。而林霍爲閩公傳，乃云上世爲宋宗室。又云佛子公仕爲參計使，予若孫接踵登第。夫文貞在嘉靖時自撰族譜，不能詳高祖以上之世系矣，則上世之爲宋宗室與佛子公之爲參計使，霍烏得而知之？明季士夫每以門第相高，不足信也。

洙按：「華亭縣志」徐階傳：父黼，宣平縣丞。又按「宣平縣志」：先生之祖於宏治間任宣平丞，凡九年。一權邑篆，有惠政，宣平人建報德祠以祀之；有副使黃中碑記。至清初，祠廢。乾隆間，教諭陸獻猷等構屋於明倫堂側祀之，有祭田八十畝零。碑文曰：贈少傅恩復徐公，以宏治辛酉（一五〇一）自華亭來丞宣平，滿九載，移丞江西之寧都，迄今六十年矣，宣父老猶能道其德政如昨日事。嘉靖丙辰（一五五六），電白任君良翰令茲邑，父老以徐公祠白之，遂相地，得徐公舊署之南，鳩工運木，子來恐後，不數月落成。祠凡二棟，後爲堂，龕公肖像；右廊廡，前爲門，榜曰報德。春秋虔祀如制。任君使來，謂當有言以告來者。中曰：天下服官蒞政漸滅無聞者，何可勝算？卽有一二稱述，亦僅去後思耳。歷世滋久，翕然尸祝而脩食之，豈不難哉？宜爲括嚴

邑，其俗難制而易動。正統間，耕氓葉宗留據險稱亂，識者恒歸咎當事者之昧於機宜也。某年，曠賊嘯聚，莫敢誰何。時公視邑篆，單騎入賊壘，曉諭禍福，開示朝廷威信，數千人咸感拜泣下，盡還田畝，曾不翦撲而擾其犷悍之氣，還夫衽席之安，視宗留之變靡爛流離，卒許其立功自贖而始獲賤斂者，不啻什伯千萬也！蓋公推心置腹，士民信賴，故言出如金石，化暴爲良，不勞餘力，非僥倖萬一者比。若夫引詩書以繩民俗，誓冰蘖以勵官箴，逮賦徵而刑措，夙獄讞而民蘇，則固更僕未盡也。祭法曰：以勞定國則祀之，能捍大患則祀之。若公者，復何愧焉？又聞之，於公治獄多陰德，而子孫爲通侯王晉國，不究其用。而文貞爲名宰相，二公修德獲報如左券。然思復公位不滿德如晉國，而脫生靈於鋒鏑之慘，其陰德又非僅善平反者可彷彿也。篤生今少傅公階爲國元老，其勳勞烜赫，則超出西平魏國數等，而季子諸孫，功名富貴與二氏實相後先。人定勝天，不足徵哉！

二十八年庚子（一六〇〇），二歲。

是年兩畿盜起（「通鑑輯覽」）。

二十九年辛丑（一六〇一），三歲。

四月，弟聖期（鳳彩）生。聖期博綜名物，宏覽群書，於詩爲專門名家之學，手輯毛鄭家言，考校同異，爲毛詩博義，凡十有三年而成，採入詩經傳說彙纂。兼工繪事（見「族譜」）。

三十年壬寅（一六〇二），四歲。

三十一年癸卯（一六〇三），五歲。

是年，詔戶、兵二部覈軍實。時邊軍九十六萬有奇，率以空名支餉；且尅減兵餉，屢譴。明帝命戶、兵二部鈎考軍實，然亦不能振刷（「通鑑輯覽」）。

三十二年甲辰（一六〇四），六歲。

閏九月，先生妣顧孺人卒（年二十三）。

三十三年乙巳（一六〇五），七歲。

先生天性沈敏，篤志力學，精力過人，晝夜不倦。經史百家之言，一覽成誦。是年，有族兄某寫蠻夷爲夷蠻，師呵叱之。先生曰：「無害也，咎在周內史引人過犯。師悟曰：記誦稍疏，乃爲豎子邊鼓。」（王澐「東海先生傳」、李延是「南吳舊話錄」）。

是年五月，雷震郊壇；鳳陽大風雨，毀陵廟（「通鑑輯覽」）。

三十四年丙午（一六〇六），八歲。

是年冬十二月，棄遼東六堡，徙居民六萬餘於內地，藩籬盡撤（「通鑑輯覽」）。

三十五年丁未（一六〇七），九歲。

三十六年戊申（一六〇八），十歲。

是年，陳子龍生。是年十二月，朵顏寇薊州，京師戒嚴（「通鑑輯覽」）。

三十七年己酉（一六〇九），十一歲。



是年三月，恭圖陷大勝堡（在錦縣北）。〔通鑑輯覽〕。

三十八年庚戌（一六一〇），十二歲。

三十九年辛亥（一六一一），十三歲。

是年六月，南北兩京、湖廣均大水，諸大吏請罷權稅，不省。〔通鑑輯覽〕。

四十年壬子（一六一二），十四歲。

四十一年癸丑（一六一三），十五歲。

是年，兩京、河南、山東、湖廣、江西、廣西俱大水。〔通鑑輯覽〕。

四十二年甲寅（一六一四），十六歲。

九月二十日，弟致遠生。致遠字武靜，太學公繼室趙孺人出。先生爲太學公長子，覃精六藝。仲弟鳳彩，以多識著述成一家言。季弟致遠負才善交遊。一時雲間有三徐之目（見王鏊「東海先生傳」）。

四十三年乙卯（一六一五），十七歲。

四十四年丙辰（一六一六），十八歲。

是年，清太祖建元天命。兩畿、山東、河南大饑。〔通鑑輯覽〕。

四十五年丁巳（一六一七），十九歲。

四十六年戊午（一六一八），二十歲。